

DEDICATIO.

Maieftatis crimen atrocius est, quam ut per suspensionem ingeri debeat, Ab eo se operose purgare est penè crimen agnoscere. Si eius rei sunt Remonstrantes, causam non dicunt, sæviat in eos ira Vestra ad extremum vsque, tanquam in perduelles & patriæ hostes. Sin infantes sunt, cogitate, quantum crimen sit eorumqui eo innocentes gravant, ut adflictis adflictionem addant.

Hæc summa est Apologiæ huius. N. N. D. D. quam vobis Remonstrantes offerunt & dedicant, non sponte sua, (vtinam id liceret!) sed provocati, sed laceffiti, sed protracti ad tribunal vestrum; nec alio animo, quam ut vobis suam & Ecclesiarum suarum fidem atque innocentiam probent, & id a vobis si possunt impetrent, ut, si eos favore vestro dignari nondum potestis, saltem eos favore vestro non indignos esse intelligatis. Optassent se Loc tam molesto labore defungi potuisse, sed per Censores vestros id non licuit. Digladiationes & certamina de non necessarijs aut non valde vtilibus ad salutem dogmatis ex animo averfantur, Theologia eorum practica est, quæ in morum reformatione totiulque adeo vitæ ad præscriptum Iesu Christi correctione & directione posita est, quæ vix constare potest inter acria ista dissidentium ac certantium studia, Difficile est clavum animi recta tenere in tam turbido mari, ut non fluctibus contentionum aut abripiatur aut obruatur. Sanctimonix & caritatis rudentibus opus est, ut Ecclesiæ & cum Ecclesijs Respub. non fluctuent. Hinc arduas, subtiles & elaboratas circa Religionem quæstiones vitant ut scopulos: Ignorare licet, quæ non nisi periculose disputantur. Doctrina pietatis plana, facilis, expedita & rudibus pariter atque eruditis obvia est. Per eam recta itur in cælum. Cætera nec sine labore quæruntur, nec sine periculo creduntur, & plerumque tantis animus agitantur, ut pietatis simul ac caritatis interneccionem post se trahant.

Vtinam Deus, Misericordiarum Pater, Rerumpublicarum & Ecclesiarum Rectoribus aliquando spiritum illum mansuetudinis & caritatis indat, ut sublatis partium studijs, de pietate ac pace inter Christianos restituenda, illæsa necessaria veritate, consilia omnia studiaque sua conferant! Nil dubium est, quin multa hominum milia tot malorum, odiorum, schismatum pertæsa, tam sanctum propositum pijs votis, suspirijs ac studijs prosequerentur & frequentes concurrerent ad sublatum concordix vexillum,

Istura